

PRO

FVNERE
ILLVSTRIS.

ET GENEROSISS: BOHE-
MIÆ PROREGIS, IOANNIS
IUNIORIS POPELII, BARO-
NIS DE LOBCOVICIO
ORATIO.

IOANNIS SCLIPHI

Campogryphij Iureconsulti.




Eiusdem Elegia cum Epitaphijs.



VENNÆ AVSTRIÆ EX

Officina Caspari Stainhoferi, Anno
M. D. LXXII,



ILLVSTRI ET

VERE GENEROSO BARONI CHRISTOPHORO NATU

tu minori Popelio de Lobcouicio, Sereniss: Bohemiæ & Vngariæ Principum Rodolphi & Ernesti, Archiducum Austriæ, Sacratiss: Ro:

Impe: Maxim: II. FF. Camerario,

Thynhorssouia, Thachouia, Bilina,

& Zæzouicij, hæredi,

S. P,

T*Andem aliquando post tuum ex Hispania cum Sereniss: Principibus nostris reditum, Christophore Baro Generosissime, Patris tui Illustrissimi Bohemia Proregis funeris translationem, ad delectam Thynhorssouia sepulturam, non amplius prorogatum iri constitutum est. Omnes enim tuos gentiles, atq; tutores, vel in hoc solum, ut extrema eius voluntati, quam primum satis fiat, uehemen-*

A ij

ter

ter incumbere, certi homines huc attulere. Ad
id ne quid temporis accedat, etiam pro tuo in
Patrem tuum amore debito, ipse exoptas.
Vestri omnium itaq; tam pij desiderij com-
probandi causa, orationem, & quadam car-
mina funebria, inter has domesticas familiae
tuae turbas, stylo remissiore, conscripsi. Ea
tantum abest ut perpolire potuerim, ut etiam
vix alteram manum per has quotidianas
occupationes illis adhibere, mihi commodè
licuerit. Attamen aliquot summorum viro-
rum autoritate permotus, ea in publicum
edenda, & tuo nomini inscribenda constitui.
Primum, ut in Patrem tuum Heröem clari-
ssimum, ob eius in me beneficam, quàm tot
annis erga me perspexi voluntatem, vel hoc
grati animi (cum iam vix aliud quicquam
eius causa prestare possim) monumentum apud
posteritatem extaret. Deindè etiam, ut haberes
exem-

exemplum tuum domesticum, atq; illud proximum, quod in vita tua presenti tuò tibi sequi liceat. Quod quemadmodum facis, ubi in posterum aequè constanter feceris, ut nullum aliud eo absolutius, atq; illustrius reperire poteris: Ita etiam iisdem gradibus, quibus Pater tuus immortalis factus est, veram laudem, & tui nominis sempiternam memoriam tibi comparabis. Nihil enim est, mihi crede, quod in vita tua tibi accidere queat, id Pater tuus quin sit longè antè expertus: Nihil quod tu videas, quod Pater tuus longo antè tempore non praeuiderit: Atq; adeò tota sua vita praeclarè, cum summa laude transacta, viam ad perpetuam immortalitatem tibi facilimam patefecerit. Consultiissimum itaq; tibi erit, tritis eius, iam tanto temporis spacio probatis vestigijs inherere. Ita tandem fiet, ut non solum gloriam paternam imitari, merita asse-

A iij qui


qui possis: Verùm etiam aliquid ornamenti, ad
familia tua decus, progressu temporis accumu-
lare. Et quoniam te iampridẽ omnem ho-
nestatis laudem pleno cursu persequi video,
ita, ut cum primis antecellas, cohortatione
mea nihil eges: Et huius quicquid est, testifi-
canda potiùs mea in te observantia gratia,
quàm, quòd tu his ullo modo opus habeas ad
virtutem stimulus, addendum esse existimaui:
Accipies itaq; hanc meam gratitudinis testifi-
cationem, id est, paternarum virtutum me-
moriã, in huius anni ineuntis felix au-
spicium strenarum loco, quibus ego cariores,
Et tuo presenti instituto magis accommodas,
hoc tempore nullas alias reperire potui, Et eo
animo accipies, quo Et ego scripsi: atq; in
posterum quantum per ingenij mei vires mihi
licebit, maturiora à me expectabis. Vale
Baro Illustris, patris tui Herois immortalis
virtutum

*Orbitulum non immemor. Vienna Austria
ad iij Idus Februar: ex adibus Cos:
Braunsteteri. Anno recuperata
salutis humana ineunte
M. D. LXXII.*

T. J. G.

Ad obsequendum paratiss:

**Io: Sciphus Camp: Iu-
reconsultus.**



PRO
FVNERE
ILLVSTRISSIMI ET
GENEROSISS: BOHEMIÆ
PROREGIS IOANNIS IV-
NIORIS POPELII, BARO-
NIS DE LOBCOVICIO
ORATIO.

JOANNIS SCLIPHI CAM-
pogryphij Iureconsulii.



Recati sumus à DEO
Opt: Max: Auditores Christi-
ani, votis ardentissimis, vt, pro sui
Sacrosancti nominis honore, pro
Vniuersalis Ecclesiæ incremento, pro communis
nostræ Patriæ ornamento atq; commodo, pro
huius amplissimi Regni incolumitate, deniq;
pro consanguineorum atq; adeò amicorum om-
nium diuturna consolatione, nobis omni-
bus, summa pietate, religione, fide, æquitate atq;
B constantia

constantia Hero em, Ioannem iuniorem Popu-
lium Baronem de Lobcouicio, Bohemix Pro-
regem Illustrissimum, saluum atq; valentem
quam diutissimè conseruatum vellet. Quid enim
aliud æquè fieri decuit, quam & illum suæ pieta-
tis & beneficentiæ fructum suo jure quodam-
modò à nobis expetere, & nos nostrò debito il-
lius promeritis officio, pro nostris viribus non
deesse? At verò posteaquàm Deus Opt: Max:
non tam nostrum omnium vota neglexit, atq;
(sublato nobis è medio illo, vel potius ex his
calamitatib: & diuturnis miserijs erepto, quem
vnicè omnes in annos infinitos, florentè ingenio,
firmo corpore, à fortunis omnibus locupletis-
simum, sospitem esse voluimus). in longè op-
tatiorem effectum, & nobis quidem minimè ex-
pectatum, commutant: Orbati non iam solius
suæ clarissimæ familiæ columine, verum etiam
inclyti huius Regni vera & firmissima colum-
na, non possumus nisi lugere, dolere, & non iam
priuatam vnus familiæ Lobcouiciæ calamita-
tem, atq; publicum omnium totius Regni Ord-
inum, tanti viri desyderium, deplorare. Quod
vos equidem A. C. vestro lugubri in his ex-
celsis confessu, pullis vestibus, lugenti vultu, atris
facibus, incredibili propemodum populi fre-
quentia

quentia testatum voluistis: Ego verò hoc tenui
perorandi officio, pro viribus meis comprobandum, mearum existimaui esse partium. A vobis peto vehementer, ne humilitatem squaloremq; orationis despiciatis, neque dicentis insolentiam admiremini: Quin potius ab eo, cuius animus sit sentus, lachrymis, ac curis diuturnis debilitatus, quid politè vel eleganter dici possit, pro vestro prudentissimo iudicio, mecum cogitetis. Ea enim oratione, quam de vita & obitu huius viri Generosissimi, institui, etsi dolorem animis vestris infixum radicitus eximere vix potero, (quis enim id, in tanta vestri omnium perturbatione, sperare, nedum efficere queat?) lenire tamen, quantum viribus meis conniti mihi licebit, studebo. Et primum de huius clarissimæ familiæ ortu, atq; nostri Proregis Patria, & natalibus, non opus hîc esse pluribus existimo, dum hæc tum sint vobis omnibus adeò nota, ut nulla alia latiore declaratione indigeant, tum etiam tanta amplitudo, tanta claritas huius nobilissimæ familiæ, priscis etiam illis seculis perpetuò fuerit, ut & veræ religionis Orthodoxæ amore, & bonarum literarum studijs, & rei militaris scientia, Patrum atq; maiorum nostrorum memoria, semper habita sit longe

B ij cele-

celeberrima. Et vt de alijs maioribus infinitis, nihil dicam, paucos tamen ex tanto numero, eos solum, qui ad nos propiùs accedunt, & vel nostra, vel patrum nostrorum memoria floruere, sine magno flagicio, tacitus præterite nullo modo possum: Inter quos Bohuslaus ille Hasisteynius Baro de Lobcoucio, facilè primum locum iure suo sibi vendicat. Bohuslaus ille, quem, si paulò attentius originem nostram domesticam inuestigemus, verè à Deo glorificatum, hoc est, propemodùm innumeris corporis & ingenij dotibus cumulatifsimè exornatum, appellare possumus. Illum, inquam, Bohuslaum, qui & eruditione sua, & vsu rerum experientiaq; quam ex tot suis peregrinationibus fuerat consecutus, non solum apud domesticos, sed etiam apud externos, potissimùm verò eos, qui de ingenijs hominum acutissimè atq; prudentissimè vel soli (Italos intelligo) iudicare possunt, tantam sit consecutus opinionem, vt & oratorum disertissimus, & Pœtarum suauissimus, & linguarum peritissimus, suo tempore fuerit exultimatus. Testes eius rei sunt libri, ab eo in vtroq; genere dicendi prudentissimè, atq; doctissimè conscripti, adeò quidem, vt ob eius summam in vtroq; genere contentionem, in vtro magis excelluerit, plurimi

plurimi anbigere non dubitauit. Tentes sunt,
plurimi viri eruditissimi, Slechta, Augustinus,
Sturnus, Aurigallus, potissimum verò Hiero-
nimus Balbus Italus, Iurisprudentiæ, Pœties,
atq; oratoriæ studijs celebratissimus, cum qui-
bus ille, atq; cum suorum studiorum æmulis,
multis annis coniunctissimè vixerat. Testis, in-
quam est, instructissima omnis generis libro-
rum, omnium linguarum, atq; bonarum disci-
plinarum, fama illa apud omnes nationes poli-
tiores notissima, librorum ex vniuerso terra-
rum orbe, summa diligentia, cura, & studio,
maximis impensis, conquisitorum, libraria su-
pellex, quam ille in arce sua Hasensteyniaca ex
omnibus totius mundi partibus diligentissimè
collegit, collectam adauxit, adauctam ad suos
posteror ab omni iniuriâ saluam, atq; integram
transmittere voluit.

Alter est ex hoc
numero, Ioannes natus maior Popelius Baro de
Lobcouicio, qui anno vno ante obitum, Prœ-
gis nostri, non sine maximis totius familiæ Lob-
couiciæ lachrymis, quinimò ipsius Regni pu-
blico luctu cum ab incunte ætate inuictissimi Im-
per. Ferdinandi aulam non minùs belli atq; pa-
cis tempore sequeretur, ætate prouectiore gra-
datim plurimos honores in hoc amplissimo

B iij Regno

Regno sit adeptus, extremum suum diem clausit. Is quo consilio, authoritate, atq; adeò singulari quadam grauitate, toto vitæ suæ tempore claruerit, omnes nouimus: quantum sui dèsyderium, apud omnes bonos reliquerit, patria nostra non ignorat: quantum verò salutariter huic Reipub. consultum voluerit, argumento nobis sunt eius tot filij, & nepotes, quos ille ad veræ religionis cultum, mox etiam ad humaniora studia liberalissimè educari curauit. Nouerat enim vir prudentissimus, religione vera primùm iacta, studia honesta, atq; bonos mores facilè prouenire, ea verò neglecta, vitam agrestem, incultam, quin & ipsam immanem barbariem succrescere. Quod ille olim accidisse in Græciâ, nostra verò hac ætate deplorata, in pluribus locis alijs diligentissimè longo vsu obseruauit. Quid ego hîc de Proregis nostri fratribus germanis, generosis; Baronibus, Litouino, Christophoro, & Venceslao verba faciam? qui tum literarum scientia, tum militari gloria, tum omnium fortunarum affluentia, in oculis omnium hodiè summo cum honore in hoc Regno inclyto viuunt, de quibus, cum adhuc superstites sint, ideò loquor parcius, ne quisquam me eorum quicquam hoc loco dare auribus suspicetur. Amplissimum verò Baro-

nem

nem de Lobcouicio; Ioannem Popelium natu-
minum, Ioannis natu maximi Lobcouicij
Baronis filium, virum, iuditij maximi, & doctri-
næ singularis, atq; Iuris Cæsarei non minùs,
quàm Patrij nostri communis longè peritissi-
mum, sine maximo piaculo quî præterire pos-
sum? Cuius præclaram in me voluntatem, &
beneficum animum multis argumentis iam-
pridè perspexi, eiq; ob nouæ dignitatis acces-
sionem, quam ille, pro sui animi generosissimi
humanitate cùm recusaret, Sereniss: Imp: no-
stri tamen clementi voluntate inuitatus, qui pa-
truo suo, in decidendis subtilissimis & difficili-
mis totius Regni controuersijs, in celebratissi-
mo illo Appellationum Pragensi Ordine, Præ-
ses succederet, modestissimè suscepit, pro meo
studio, & animo paratissimo officiosissimè gra-
tulator, precorq; vt illa dignitas, ei tandem ad sum-
ma consequenda aditum faciliorem patefaciat.
Prætereo hîc alios propemodùm infinitos, qui
hodiè hanc celeberrimā familiam ita exornant,
vt omni virtutum genere, cum priscis illis Ro-
manæ, & Græcæ Reipubli: luminibus faciliè con-
tendere possint. Nec hoc loco commemoratio-
nem alienarum virtutum institui: Verùm eas
solum, quæ Proregis nostri propriæ sunt, atq; ex
ijs infi-

nam vobis commonstrandas duxi. Hæc est, illa familia, ex qua non secus, atq; ab illa munificentissima Pandora, tot ornamenta, huic amplissimo Regno superioribus seculis cumulatissime processere, & in hodiernum diem necdum procedere desinunt. Hæc, inquam, familia, quæ & suo numero, & bonarum literarum studijs, & veræ religionis cultu, & laude bellica (vt interrim de fortunæ muneribus nihil repetam) perpetuò habita est longè clarissima. Ex hac igitur familia, vel, vt verius dicam, omnium virtutum, & bonarum disciplinarum, Schola, noster Prorex est oriundus, qui ne à maiorum suorum consuetudine degenerare videretur, veræ pietatis, & religionis fuit longè studiosissimus, eam illenon verbo solum, verum ipso opere, quod soli veri Christiani præstare contendunt, probare apprimè studuit. Quantum enim longissimè spacium anteacti temporis respicere, & quàm verissimos testes eius vitæ præteritæ, summa cum innocentia transactæ compellare possumus, statim ab ipsis propemodum incunabulis, primam illi curam pietatis Christianæ fuisse comperimus. Quæ à teneris ad pietatem assuetudo, etiam adulta ætate in eo comprobata est. Nulla enim itinera vni-
quàm

quàm aggredi, nulla grauiora negotia tractare,
nihil deniq; aliud vel priuatum, vel etiam publi-
cùm inceptare vnquàm solebat, nisi sacris myste-
rijs antè auditis. Adcò quidem, vt non puderet
principem virum (exemplum omnibus verè
Christianis imitatu dignissimum) ad myste-
ria sacra ministrare, prouolutis cum presbytero
genibus, Diuinæ Maiestati errata sua confiteri,
atq; non vnquàm nisi absolutis sacris, è templo
discedere. Eam consuetudinem se adhuc adoles-
centem, à proceribus Regni, qui tum Reipub:
gerendæ præerant, didicisse, toties prædica-
bat. Nec minore diligentia in Christiana disci-
plina Orthodoxa, apud ciuitatum suarum inco-
las integra, atq; inuiolata conseruanda, assiduò
laborabat, blasphemos, maledicos, fæneratores,
mæchos, quin etiam lufiores, vagos, inutilia ter-
ræ pondera, è suarum ciuitatum finibus acerbissi-
mis edictis exigere, atq; pœnis grauissimis in eos
animaduertere frequentissimè solebat. Atq; vt
apud illâ potentissimã, & gloriosissimam quon-
dam Rempub: Coss: sapientissimi, liberos Græ-
cos à sua religione alienos, in agro L. Petilij
fortuitò ab agricolis erutos, non sine grauissimis
causis concremari potiùs, quàm in publicum pro-
ferri iusserunt: Sic etiam Prorex noster nihil

C

quicquam

quicquam in sacris rebus innouari, nihil temerè
recipi, toto vitæ suæ tempore in ditionibus suis
passus est, quo mentes fidelium, vel à vero Diuini
numinis cultu auocarentur, vel auitæ religionis
iura, & consuetudines infirmarentur. Ita quidem,
vt etiam hosce inferiores ritus non temerè esse
negligendos existimaret. Vestram ego hûc fi-
dem appello, sanctissimi rerum sacrarum custo-
des, qui hoc præsentē sacris præesse solebatis, si
quid fuerat à vobis de precibus Ecclesiasticis in-
termissum, vel à choro Musico minùs decenter
decantatum, vel de ordine solito immutatum,
vel à vestris ministris quicquàm remissiùs
curatum, eius quoties ille vos admonere, quo-
ties hortari, aliquandò & obiurgare consue-
uerat? O virum veræ pietatis perstudio-
sum. O Heröem diuini cultus peramantem.
O Christianum veram fidem dignis noua vita
operibus exornantem. Atq; vt primùm ex e-
phæbis excedebat Prorex noster, prima ætatis suæ
tempora, non in turpi otio, vel rebus ludicris
consumpsit: Verùm in familiam viri pruden-
tissimi (ad quē eo tempore, non secùs, atq; olim
ad oraculum Delphicum, omnis generosa iu-
uentus, non tantùm ex hoc vniuerso Regno, sed
etiam ex alijs vicinis prouincijs plurimis, certa-
tìm confluebat, beatos se existimantes, quibus
tanti

tanti viri consuetudine fructu liceret) in familiam,
inquam, Magni illius Leonis, Baronis Rozmi-
talini, Bohemiæ Proregis se contulit, vbi non
modò pietatem, æquitatem, sed multò magis iu-
ra Regni Patria, & mores probatos, quin etiam
ipsi vsum, rerum omnium Magistrum, ab in-
eunte ætate perdidit. Putabat enim cum
præstantiss: illo Iureconsulto, Patriæ suæ, in qua
viueret, honorum, & omnium immunitatum ef-
set particeps, iura ignorare, omnium esse longè
turpissimum. Intelligebat etiam Heros sapien-
tissimus, Patriam hanc nostram communem,
non tam solo iure scripto, more Atheniensium,
sed etiam Lacedæmonum instar, ex consuetudine
longo temporis vfu comprobata, plurimas con-
trouersias definire. Intelligebat, inquam, tan-
tam esse vim consuetudinis probatæ, vt etiam
aliquandò legem scriptam superet, ideoq; sola vi-
ua voce faciliùs posse deprehendi. Illum Herò-
em quanti fecerit, quantoperè illum obseruârit,
quàm officiosè coluerit, quàm sua intima illi soli
communicata voluerit, quanti-
q; vicissim sit ab eo
redamatus, testes sunt omnes illi, qui eo tempo-
re familiariter cum illis vixerant. Et queniad-
modum olim, cum veteres illi Romani rerum
potiebantur, ista vitæ innocentia, suis sanctis mo-

nitis, sua leuerrate, admirabili morum facilitate
temperata, tantum authoritate apud inuentutem
sui studiosam efficiebant, vt, quoties domo exire,
in Capitoliũ ascendere, vel domum reuerti lube-
ret Senatoribus, toties Romanos iuuenes nobi-
lissimos, præ foribus officij gratia spontè oppe-
rientes, præstò haberent, qui exeuntes comitaren-
tur, redeuntes deducerent, senio affectos etiam
suis humeris sustentarent, nec solùm foris, sed
etiam domi, non quicquam eorum, quæ à iuue-
nili ætate suo iure expectari possent, prætermitte-
rent, vbi hi, quæ à præceptoribus suis de maio-
rum reuerentia in gymnasijs, deq; suo ipsorum
officio perdiscebant, re ipsa comprobabant, & vi-
cissim illi, quæ longa exercitatione in foro, belli,
domi, forisue fuerant consecuti, id totum iuuen-
tuti sui studiosæ communicabant, & ad Rem pub-
licam amandam, æquis legibus muniendam, deindè ad
suos posteros sanctam tectamq; transmittendam,
paternè hortabantur: Ita etiam hic Heros noster
ab eo tempore, quo primùm in aulam Magni il-
lius Leonis venerat, non latum ab eo digitum
recedere consultum sibi putabat, quin omnia ob-
seruaret, omnia signaret, non tantum ipsa verba,
orationem decentem, (quam ille mirificè sua
grauitate, & vocum proprietate exornare solitus
dicitur,

dicatur, ut tum ea, tum prudentia ipsius admirabilis, apud Serenis: Imp: Ferdinandum, non solum admirationem maximam, sed & summum amorem illi conciliârit) verum etiam ipsos nutus tanti viri, quam accuratissimè denotaret, & quo ille loco esset, eò se aliquantò post peruenturum solerti mentis suæ acumine longè antè prospiciebat. Nec solam nudam personam, ad tantam dignitatem, sed omnibus numeris absolutam, quantum in eo virium erat, quantum industriæ, quantum conatus, adferre contendebat. Id quod tandè exitus paulò post comprobauit: dum vix adolescentiæ annos esset egressus, persuadente summo Regni Senatu, annuente Serenissimo Imp: Ferdinando, in ærarium Regium in assessorem est cooptatus. Et sicut quondam quaestura apud Romanos, omnium cæterarum dignitatum, quæ in ea Repub: fuerant amplissima, prima erat ianua: Sic etiam ærarium Regium, nostro Herôi ad superiora consequenda, primum patefecit aditum. Vbi ille posteaquam annos complures, summa cum laude vixisset, nullos dies, nullas noctes propemodùm quietas habuisset, quin de sui Imp: commodis cogitaret, eò tandè breui sua industria & fide facilè conscendit, quò alij plurimi tum temporis, etiam si maxi-

mè contendebant, peruenire tamen non poterant: Nimirùm præsæs ærarij Regij in hoc ampliss: Regno Bohemiæ, omnium Ordinum consensu est salutatus. Deindè Præfecturam Lusatiæ est consecutus. In ea cùm aliquot annis secum pñmum admiratione, & summa laude exercuisset, Camerarij supremi dignitatem in hoc Regno amplissimam est adeptus. Cùm tamen nec ibi virtus eius conquiesceret, quin ad superiora conatu in dies ardentiore properaret, Inuictissimi Imp: Ferdinandi in hoc Regno Inducto vicarius, quem Proregem appellamus, est constitutus. Et vt tribus verbis omnia explicem: gradatim omnibus dignitatibus, in hoc Regno splendidissimis, noster Heros est perfunctus. Ad ea cùm alij vel alienis meritis, vel precibus, vel muneribus aspirare soleant: Noster hic Heros sua industria, sua virtute propria omnia ea est consecutus. Nam vitam illam splendidam, otiosam, mollem, delitijs, atq; voluptatibus delibutam, quam plurimi, cum suarum fortunarum detrimento, cum honesti nominis iactura malè feriatì agitant, vt virtuti inimicam, generoso animo minimè dignam, perpetuo odio habuit. At verò ingenium suum subtilissimum, & memoriam propè diuinam, assidua virtutis meditatione ex-

ne exercebat, quæ duo maximo adiumento, ad maxima quæq; consequenda, Heroi nostro fuerunt. Quis enim æquè peracri mentis acumine, vnquàm fuit, qui vno eodemq; tempore, loquentes audire, scribentibus dictare, idq; linguis diuerfis, literas legere, ipse etiam scriptitare potuerit? Certè præter Iulium Cæsarem, & Heröem nostrum, alium reperiimus neminem. Et de Iulio quidem Cæsare, à fide dignis scriptoribus ea accepimus: De nostro autem Heröe, vos estis mihi omnes, quotquot adestis testes verissimi: Qui non hæc de eo legistis, neq; ab alijs audiistis, sed ipsi coràm aspectare toties, quoties libuit, facile potuistis. Dehuius diuina penè memoria, (vt potè vero omnium disciplinarum thesauro) non plura hîc addo. Quo pacto enim de grauissimis causis, acutissimè differere, de ambiguis subtilissimè disputare, de necessarijs ad commodam totius Regni spectantibus, vobis maiore ex parte præsentibus, disertissimè persuadere vnquàm potuisset, nisi bonitate ingenij, & firmitudine memoriæ fuisset adiutus? Est mihi credite, diuinum quiddam, non tam nobiscum natum, neq; à quouis mortalium nobis donatum, eloquentia, eloquentia, inquam, prudentia temperata. Sine hac enim illam non modò non
prodesse,

prodere, sed etiam nocere perniciosissime, iustos
condemnare, iniustos solvere, Vrbes euertere, po-
pulos in mutuas cædes, & internitiones commit-
tere, nos fateri necesse est. Ita, vt non incom-
modè veteres illi viri sapientes, eloquentiam so-
lam furioso armato, coniunctam verò pruden-
tiæ viro forti, & sapienti, comparare non dubi-
târint. Hinc illa nobilissima diuersarum Re-
rumpub: lumina, Demosthenes, & Cicero, Æschi-
nes & Hortensius, alijq; complures, qui suas
Respub: difficilimis temporibus, ex maximis
calamitatibus sua diuina eloquentia eripuerunt.
Contrà verò hinc istæ furia, hinc istæ pestes, Pi-
sistratus, Busyris, Catilina, Cethegus, Lentulus, qui
hoc diuino munere abusi, violentas manus suis
ciuibus, ardentes faces suæ Patriæ attulere. Quis
verò in eo, in quo homines ipsis brutis, imò &
cæteris hominibus longissimè præstant, elaborân-
dum, atq; enitendum non existimet? Quis eam
artem, in qua non vnus priuati hominis, salus
& incolumitas consistat, sed priuatorum, & adedò
totius Reipub: integritas, salusq; versetur, non
magni faciat? Quis eos homines, in quibus ea,
tam speciosa, tam illustria diuinæ beneficentiæ
munera elucet, non miretur, non suspiciat? Quid
enim admirabilius, quidè ad conseruandam
humanam

humanam coniunctionem accommodatius, quam
lites, discordias, iurgia, disceptationes, bella deniq;
ipsa, quæ nisi cum ingenti hominû pernicië com-
mitti, & ne quidem ipsis armis satis facillè sedari
possunt, vnus hominis sedata, graui, atq; polita
oratione mitìgari, atq; componi? Et quemad-
modum his artibus primus Urbis Romæ condit-
tor Romulus, homines feros ex agris congrega-
uit, Sabinarum coniugia adiunxit, Numa Pom-
pilius religionis leges promulgauit, Brutus Tar-
quinius ex Vrbe eiecit, Mænenius Agrippa ar-
matam plebem ex colle Auentino reuocauit, Ly-
curgus Lacedæmonibus, Solon Atheniënsibus
leges persuasit: Sic etiam hic Heros noster, in-
testinas offensiones sapiùs pacauit, odia restinxit,
lites diremit, quin & ipsam Rempub: sua mole
grauissimè laborantem salutariter conseruauit,
in ciuili seditione τῆς ἀμνηστίας legis ferendæ
Patribus author extitit.

Nouerat enim vir
sapientissimus, acerrima dissidia apud plurimas
gentes, solo hoc remedio sæpenuerò sopita fu-
isse. Quid verò quando res. seriæ orationem
postulabant, quàm grauitè, quàm prudenter, ver-
ba facientem audiebatis, vos estis mihi testes op-
timi: Et ita quidem loquentem audiebatis, vt
non loqui sed tonare, non tonare sed fulminare

D

cum

cum lumina veltri omnium admiratione, videretur. Quàm enim austerè in vitia inuchi, quàm acriter virtutes extollere solitus fuerit, experti sunt omnes illi, qui vel aliqua flagitia perpetrare, vel digna suis virtutibus præmia demerere. Ex quibus omnibus, quantum in eo fuerit iustitiæ studium, facillè perspicitur. Eam tamen virtutè ita moderari solebat, vt toto vitæ suæ tempore, nullum reum Capitali iudicio, priuatarum suarum iniuriarum causa, vnquam se condemnasse yerè & Christianè gloriari potuerit. Nec solum de moribus, sed & de vniuersis naturæ occultioris mysterijs, de generationum & corruptionum causis, de corporum simplicium naturis, & cognationibus, de mixtorum iusta, & æqua compositione, de temporum vicissitudinibus, de astrorum motibus, & impressionibus, euidentibus rationibus, & argumentis firmissimis acutissimè differere solebat. Idq; adeò accommodè, adeò expeditè præstare consueuerat, vt hæc non aliundè petita, sed ipsius domo deprompta, non vsu acquisita, sed cum eo nata viderentur. Nec verò tantum nuda illa, rerum naturalium contemplatione delectabatur, sed & qua ratione, simplicia illa (quæ appellant) iusta quantitate componi, quo pacto ad vtilitatem humanam accommodari,

modari, quomodo plurimorum morborum oc-
cultæ causæ extingui, accessiones reprimi, effectus
ipsi impediri possint, optimè nouerat vir perspi-
cissimus. Ita quidem, vt sæpenuerò in hac
arte peritissimis, suis argutis quæstionibus, per-
plexis rationibus, negotium facessere solitus sit.
At si quando de Imperiorum, & Regnorum mu-
tationibus, de Rerumpub: & ciuitatum admi-
nistrationibus, de Principum & subditorum offi-
cijs, mentio inciderat, si de legibus ferendis, bellis
suscipiendis, inducijs paceq; sancienda: Omnia
veterum scripta, omnes historicorû libros, om-
nem deniq; totius antiquitatis cognitionem il-
lum habuisse diceres. De Patrio nostro iure
quid ego hîc agam pluribus? Quod ille non se-
cûs, atq; suos digitos tenebat, difficilimas illas
quæstiones, de pactis, stipulationibus, testamentis,
legatis, fideicommissis, substitutionibus, vsuca-
pionibus, tutelis, alluionibus, stillicidijs, ludi-
bundus definire solebat. Et (pro tam admi-
rabili facilitate, vel potiùs ingenij sui diuini fæli-
citate) cû alijs vel nihil agere, vel iocari, vel
otio & iucunditati sese dedere videretur: In ni-
hil agendo grauiores causas transigere: in iocan-
do magis seria expedire: In otiando difficiliora
negotia tractare: Quàm plæriq; alij, etiamsi ani-
mo præsentî, omnes suos neruos, omnes sui cor-

poris, & ingenij vires intendant. Quid ego
de rei familiaris administratione, hinc verba faci-
am? De qua ita frequenter grauissimè disputare
solebat, vt omnium Philosophorum libros legis-
se, optimorum Patrum familiars instituta, ab in-
eunte ætate didicisse videretur. Ita verò cum
suis victitabat, vt omnes, quotquot occupationes
eius in publicis rebus nouerant, eum tantum
temporis à maximis negotijs, ad priuatorum suo-
rum curam, potuisse vnquam subtrahere, vehe-
mentissimè mirarentur. Atqui nunquam hu-
manis negotijs ita distinebatur, nunquam pro-
phanis occupationibus ita impediabatur, quin de
diuinis cogitaret: & quò id crebrius facitare
posset, SERVATORIS nostri crucifixi imaginem,
perpetuò ob oculos habere, sacra byblia nun-
quam, siue domi, siue peregrè, è sua mensa remo-
uere solebat: Atq; tum priuata sua lectione, tum
eruditorum Theologorum frequentibus sermo-
nibus, tantum fuerat affecutus: Vt nullæ essent
penitus de summa religionis apud aduersarios
controuersia, quas ille ignorârit: Nullæ ad ve-
rum Orthodoxæ Ecclesiæ sensum oppugnan-
dum impostura, quas ille euidentibus sacræ
scripturæ argumentis, refellere non potuerit:
Nulla veræ religionis fundamenta, quæ ille nes-
ciuerit: quod omnes illi fateri possunt, qui his
superio-

superioribus aliquot annis, cum de nonnullis fidei Christianæ quæstionibus disceptaretur, illum acerrimè causam Orthodoxæ religionis defendisse audiuerunt. Et ne ego hîc omnia tanti Herois facta præclara, ingenij, industriæ, prudentiæ, iustitiæ, & æquitatis plena cōmemorem: Prætereo illa, quæ indè ab adolescentia vsq; ad vltimum vitæ suæ terminum effecit. Non commemoro, qua beneuolentia, quo studio, qua comitate personas miserabiles, viduas, pupillosq; perpetuò promouerit. Non adduco in ipsis iudicijs, ut æquitatis potiùs, quàm summi iuris assiduò fuerit longè diligentissimus obseruator. Nam quid ego dicam hîc de arbitrijs? quem plurimi, cum seueritatem iudiciorum metuerent, frequentissimè ad ea sibi delegerunt. In illis verò quàm sanctè, ac piè sese gesserit, fatentur omnes illi, qui illius æquitati, illius beneficentiæ, quæ habent, accepta ferunt omnia. Nam cum aliarum virtutum perpetuò fuerit studiosissimus, æquitatis tamen maximè. Etenim quibus laboribus peperit ille vnquàm, vel quibus occupationibus distinebatur, quæ illū ab æquitate latū digitum amouerent? Perhibent hoc de eo dies, & noctes, eas ille non otio, non somno, non luxu, non lusu, non cæteris id genus voluptatibus consumere solebat: verum amicis sese dedere, egenis opitulari, miseris

luculterere, omnibus alijs qui suam opem impo-
rarent, consilio, auxilio, literis scribendis, re etiam
ipsa præstò esse. Et cùm pleriq; alij sua se ne-
gotia gerere dicant, propterea publica negligant,
alij suis se literis ita abdant, vt Rempub: non at-
tingant: Ille contrà priuata negligere, publicis
commodis seruire, sua prætermittere, communia
procurare, fructum existimauit esse longè præstan-
tissimum. Vos nouistis A. C. quòd annis
amplius triginta, publicam hanc personam susti-
nuerit. Nam etsi, pro diuinæ suæ mentis præstan-
tia, digna præmia suis in Patriam promeritis
nunquam appeteret: Tamen perpetuam suorum
benefactorum memoriam apud posteros saltem,
aliquandò non intermorituram, longo tempore
antè præuidebat. Et, meherculè, nisi illa spes iam
à multis annis illum aluisset, iam olim omnibus
his laboribus abiectis, se omnibus dignitatibus
omnibus honoribus, vel oneribus potius abdi-
casset, & sibi soli tandèm (quod frequenter in
ore habebat) viuere instituisset. Illa spes, in-
quam, veræ immortalitatis, illum sustentabat, vi-
res augebat, labores leniebat, atq; omnia aduersa
mitigabat. Et certè, nisi hæc sola præmia hono-
ris, & immortalitatis, benè meritis essent pro-
posita, quis esset tam durus, quis tam ab omni
sensu

lenlu alienus, qui omnes difficultates lubire, tot
pericula perpeti, salutem propriam negligere, dis-
crimina spontè appetere, caput suum, adeoq; ip-
sam vitam, hostiū sanguinolentis manibus obij-
cere vellet? Nisi speraret se longè cumulatione
præmia in posterū, perpetuæ famæ & immorta-
litate accepturum? Hoc studium publicorum
commodorū, cum toto vitæ suæ præteritæ tem-
pore, tum verò præsertim illis postremis comi-
tijs, Sacratissimo Imp: nostro, Reipub: atq;
omnibushuius Regni ordinibus probatissimum
esse voluit. Ostendunt id eius maturæ delibe-
rationes, graues consultationes, laboriosæ de pu-
blicis emolumentis, deūe ordinum huius Regni
consensu, atq; conciliatione contentiones: qui
dum iam præ ægritudine vix pedestraheret, præ
inualitudine vix alienis humeris sustentaretur:
Tamen suo officio publicam vtilitatem destitue-
re noluit: Maluitq;, dum modò pius esset in Pa-
triam, atq; in suum Imperatorem, licet in se pa-
rū officiosus, vel potius impius esset, maluit, in-
quam, vel extremum spiritum (quod re ipsa com-
probauit) cum Repub: salua & incolumi exha-
lare, quàm eam sua fide, & opera priuare. Et
quemadmodum Appius ille cæcus, ætate iam af-
fecta, cum ampliùs Rempub: suis viribus defen-
dere non

dere non posset: Tamen ob summam prudentiam,
& vsum rerum admirabilem, in grauioribus cau-
sis in Senatum Rom: deferri solebat: Sic etiam
huius Herois nostri, in eo frequentissimo omniū
Regni Ordinum conuentu, in illis omnium dif-
ficilimis consultationibus præsentiā, licet ætate,
& ægritudine vehementer affecti: Tamen quan-
tum publico bono comodārit, iam pridem om-
nes Ordines iudicāunt. Adcō quidem, vt iam
illi (si quī tamen sunt) qui eius industriæ, & vir-
tuti inuidebant, mordebant clanculū, iam pri-
mū in illis postremis comitijs. viderint, quem
desyderānt, iamq; in dies experientur, quā eius
authoritas, grauitas, experientia, publico vsui fue-
rit, futura necessaria. Nam quantus eius amor
in Patriam hanc nostram cōmunem fuerit, vel
tot Legationibus suis, pro Patriæ salute, Inuictis:
Imp: nostrorum nomine, ad tot Christianos
Principes susceptis, & fælicissimè confectis, nobis
omnibus testatum reliquit. Accedunt, huc tan-
tæ ipsius impensæ, quas ille in tot præclara ædifi-
cia, ab ipsis fundamentis, summa cum laude, &
familiæ suæ ornamento erecta, profusissimè fe-
cerat. Hoc tamen non solū ipsius amorem
reliquum, sed & propemodū omnem huma-
num sensum, longissimè exuperat, quod Filium
suum.

suum, quem tum habebat vnicum, ad videndas
exterarum nationes, ad perdiscendas peregrinas lin-
guas, diuersæ fortunæ, infinitis maris, continen-
tisq; periculis obiecerit, nullis sumptibus peperc-
rit, dummodò Patriæ ciuem, familiæ decus, hære-
dem deniq; tali Patre dignum posteris suis re-
linqueret. Et cum alijs virtutibus alios supe-
rârit plurimos, hac tamen vna seipsum quo-
dammodò superauit. Hunc ipsius pium affe-
ctum illi etiam testari possunt, qui illi secretiore
in loco, dum confidentiùs clam arbitris de com-
modis huius Regni loqueretur, affuerunt, quoties
inquam, iam ingrauescente morbo, debilitatis pe-
nitùs corporis viribus, animo tamen sibi benè
constaret, de iuuentutis huius Regni omnium or-
dinum negligentia, vel potiùs dissolutione, gra-
uissimè est conquestus: Quid agerent? cur in
futurum nihil prospicerent? cur ad concilia
Regni tam pauci conuenirent? vel etiam conue-
nientes, vel latitarent, vel gula, luxu, & alijs ille-
cebris totum hoc tempus, quod in publicis Reg-
ni totius negotijs consumendum esset, parùm
decenter traducerent. Eo anno sublato esse non
paucos primorū Ordinum viros principes, pau-
cos iam admodum qui vel ætate, vel usu rerum
alijs antecellerent, ex tam frequentî numero esse

E reliquos.

reliquos. Illos esse audiendos, illos obseruandos, ab illis Patrios mores, qui non tam scriptis, quàm ipsa secretiore consuetudine continentur, esse hauriendos. Hæc est illa cura, A. C. hoc studium Herois nostri, hæc de salute, de publico bono, totius Reipub: commodo, etiam in grauißima sua ægritudine, salutaris cogitatio. Ita vt, licet grauißimo morbo discruciaretur, de publicis tamen commodis cogitare non desineret. Nec solum in rem communem, talis erat Proregis nostri affectus: sed etiam in alios viros priuatos, qui cum eo vnà eo tempore, in gerenda Repub: præerant, & quorum sensus, cum ipsius sensu congruebat, eos ille non tantum mutua beneuolentia, sed & amicis officijs, & obseruantia in suo officio retinere conabatur. Eius rei testes erant, ipsius quotidiani sermones, profundæ vocēs, quas ille de alijs compluribus, tum verò præsertim de duobus suis æqualibus, Illustriss: Principe Plauenfi, Henrico natu Maximo, & animosissimo illo Equite Marquardio, coronæ Regni Carolsteynij Præfecto, sæpius in maxima Principum virorum frequentia, habere solebat. Iactent Græci suos Pylades & Orestes, Theseos & Pirithoos, ego mediusfidius non video, quid ad verum veræ amicitia affectum, in nostris proceribus, accedere

cedere potuerit amplius. Et cum plerique alij
amicitiam veram, salutationibus, conuersationi-
bus, vel ciuilitate quadam vulgari, longo vsu re-
cepta, metiantur: noster Heros contrà, tristes
consolando, afflictos inuisendo, imperitis consu-
lendo, captiuos redimendo, egenos subleuando,
obæratibus suis opibus, & fortunis succurrendo, fru-
ctum veræ amicitiaë existimauit esse longè veris-
simum. Super sunt hodiè complures, quos ille suis
vadimonijs cære alieno liberauit, autoritate tu-
tatus est: obière alij, quorum causa ille fideiusio-
nibus, bonam hæreditatum suarum partem, op-
pignorare, vendere, deperdere coactus est. Et
cum alij omnia perpeti, omnia laudare, omnibus
assentiri, amicitiaë causa soleant: Heros noster
contrà, veritati in amicitia locum deberi princi-
pem existimauit perpetuò. Nullum habuit ita
inensum inimicum, cuius virtutem non lauda-
ret, nullum tam gratum amicum, cuius vitia non
reprobaret, vituperaret, detestaretur. Nec tam
mores similes, quod alij amicitiaë statuunt funda-
mentum, illiq; crebrò turpissimè esse soleant: Ve-
rùm ipsam virtutem, veram amicitiam conglu-
tinare constantissimè, & verissimè asseuerabat.
Hinc est, plurimos acerrimos sui aduersarios, vir-
tutis opinione, illum in amicitiam pristinam re-

E ij cepisse:

cepisse: contrà plurimos intimos amicos, ob vitæ turpitudinem, à sua amicitia segregasse. At verò de diuina eius animi moderatione, cuperem ego hîc vberiùs verba facere, si per beneuolentiam vestram mihi liceret, in qua virtute plurimam laudem, & verè solidam meruit. Nam etsi secundam fortunam, accessiones honorum, incrementa opum, ita æquo animo tulerit, vt non quisquam ex eius vel sermone, vel gestu, vel incessu, vel vlllo alio indicio, ipsius mentis immutationem vnquàm deprehendere potuerit: tamen in aduersis multò clariùs eius diuini animi magnitudo, enituit. Et sicut metalla igne perpurgantur: ita etiam eius patientia rebus aduersis probata est. In quibus ille omnibus, nihil molle, nihil delicatum, nihil à Christiana mente alienum, cum ærumnosissimo illo, & Orientalium omnium viro patientissimo nec gessit, nec locutus est vnquàm, cuius & verba in difficilimis, & grauissimis suis casibus, patientiæ plena, in suo ore assiduò habere solebat. Et primùm hunc grauissimum ictum ab aduersa fortuna accepit, cum eius charissimi parentes ex hac vita sublati sunt, subito ad suum remediũ confugit: Dominus dedit, dominus abstulit. Subsecutæ sunt mortes, duarum dilectissimarum vxorum, alterius, quam ex nobiliss:

lifs: Bibersteyniorum Procerum familia, alterius verò, quam ex Illustrissima Vrsinorum Rosenbergensium domo duxerat: eas ille (licet intimo corde acerbissimum dolorem premeret) nihilo tamen grauius defleuit, quàm: Dominus dedit, dominus abstulit. Accessere paulò post filiorum, filiarumq; dulcissimarum interitus, fratrum, & sororum coniunctissimarum obitus, quos ille nihilo impotentiùs doluit, quàm: Dominus dedit, dominus abstulit. Excepere hunc luctum, hæreditatum paternarum, ob cæs alienum alieno nomine persoluendum, abalienationes, nec hîc quicquam ingratum ab eo auditum quàm: Dominus dedit, dominus abstulit. Subortæ sunt ciuitatum, arcium, pagorum, prædiorum exustiones: eadem voces ab eo decantatæ: Dominus dedit, dominus abstulit. Allati sunt rumores, qui gregum & armentorû occasus, aggerum perruptiones, piscinarum eluiones, segetum, vinearum, grandine, imbribusq; vastationes, denunciabant: eadem consolatione vsuse est: Dominus dedit, dominus abstulit. Deniq; hoc suo Christianæ patientiæ exercitio, id tandem est assecutus: vt, quemadmodum illi, qui lógo tempore antidotis se præmuniuere, ab omnibus venenis, siue ea imprudentes hauriant, siue sponte sibi necem consciscere velint, euadunt ta-

men illu: ita etiam hic Heros, vt nullis malefi-
cæ fortunæ turbinibus, nullis voluptatum leno-
cinijs, à veræ patientiæ statione, vnquam potuerit
deturbari. O verè magni, & inuicti animi virum.
O patientiam Christiano homine dignam. O
virtutem omnibus sæculis, omnium gentium
linguis, sermonibus, literis, ab omnibus ætatibus
meritò prædicandam. Eam ille, vt euidentius
omnibus probaret, nullū acroama, neq; publicis,
neq; priuatis in locis, neq; in sacris, neq; prophe-
tis conuentibus, neq; domi, neq; foris, neq; viua
voce, neq; artificiali, vsquam gratius audiuit, quàm
quo huius patientissimi viri, ex vetere Ecclesiæ
instituto, plenum tolerantia Christianæ exem-
plum pijs proponitur. Alij quid de huiusmodi
viro sentiant, ignoro. Ego verò eum, qui tanta
sit firmitudine animi, tanto robore mentis, tanta
indole virtutis, vt possit omnes libidines frenare,
voluptates respicere, aduersitates tolerare: om-
nem vitæ suæ cursum, in assiduo labore, atq; ani-
mi contentione collocare: se ipsum vigilijs, curis,
solicitudinibus conficere: nullam requietem ad-
mittere: ludos, symbola, omnesq; adeò illece-
bras negligere: venationes, aucupia, palæstras,
choreas, idq; genus alia spectacula, de industria
præ se contemnere: nihil aliud in vita, nisi quod
cum

cum Reipub: commodis esset coniunctum, atq;
ab honore & laude non alienum, appetere: talem,
inquam, virum, non humanitùs institutum, ve-
rùm cælitùs omnibus naturæ bonis exauctum, in
terras has demissum, constanter affirmare ausim.
Quo in numero Heröem nostrum, Alcibiades,
Themistocles, Catones atq; Scipiones, vtriusq;
Reipub: Principes, suæ virtutis æmulos habuisse,
perspicuum est. Et quia video, vestram hîc ad-
auctam attentionem, quantum potero lateribus,
& voce contendam, vt hæc non modò Proceres
Bohemi, sed & vniuersi exteri, atq; posterî exau-
diant, & id quidem, quod vos maximopere desy-
derare sentio, & ego auidissimè proloqui expeto,
tribus verbis exprimam. Nullam fuisse in
vllò homine vllius errati nedùm maculam, sed ne-
suspicionem quideni, cuius caliginem aduersæ vir-
tutis radij clarissimi, in Heröe nostro cumulatis-
simè non illustrârint. De alijs summis Herois
nostri virtutibus, pluribus nihil opus esse reputo,
cùm vna virtus absoluta, ex philosophorum opi-
nionè, omnes alias complectatur. Et iam, quæ
fuerit vita Herois nostri, A. C. breuiter hacten-
us explicuimus, reliquum est, vt de ipsius obitu
pauca referamus. Cùm iam Prorrex noster,
non tam ætate affecta, atq; infinitis propemo-
dum

dum laboribus, & publicis curis esset confectus, viribus paulatim debilitaretur, vigilijs exhaustiretur, doloribus in dies augescentibus consumeretur, nec tamen quieto loco illi esse liceret, quin ab amicis, & etiam suis consanguineis, salutandi gratia se accedentibus, propemodum quotidie turbaretur, omnes ad se accessus, etiam intimorum ægerrimè ferebat, cum tandem & hoc ab eis (licet ægrè admodum) impetrauit, ne quisquam suam quietem, nisi à se vocatus, interturbare auderet. Interim icteritia & lienis doloribus vehementissimè discutiabatur. Quæ decebant Christianum hominem, suæ animæ salutaria adhibuit remedia, & ad illud longum iter, & certamen difficile, sese diuino præmuniuit sacramento, quod in sancta (quam vocamus) hebdomade, pro veteri ritu Ecclesiæ, & sua laudabili consuetudine, sumpserat. Paucis post diebus, vocatis aliquot amicis, præsentibus illis testamentum condidit. Triduo exacto Illustriss: Gulielmo Vrsino Rosebergenfi, ad se officij causa accedenti, qua fide, & coniunctione cum eotot annis vixerit, breuibus explicat, eius fidei, & tutelæ, filium suum natu maiorem præsentem commendat. Quatriduò post, cum iam dolores augerentur plurimum, quæsitus an sacra
audire

audire vellent, consensit, ijs peractis, liquore salutari, ad veram illam luctam armatus est: è vestigio accessere aliquot viri Ecclesiastici, qui illum colluctantem, salutaribus monitis ad patientiam Christianam hortabantur, vera esse proposita præmia verè credentibus in Christum consolabantur.

Aderat gemitunda vxor, filius collachrumans, intimi aliquot officij causa assistebant.

Posteaquàm verò à medio noctis ad horam secundam vergeret, tum doloribus prorsus remittentibus, in hæc verba secum mullitare videbatur: Dulcēs vxuuiæ, dum fata, Deusq; sinebant, Accipite hanc animam, meq; his exoluite curis.

Vixi, & quem dederat cursum Deus ipse peregi. Hæc, inquam, cùm secum ipse profundo pectore versaret, dormituriienti similis, nullo prorsus insolentiore corporis motu, altera manu passionis Christi imaginem, altera cæreum ardentem, in suæ viuæ fidei, & beatæ immortalitatis indicium tenacissimè præhendens, (quæ erat dies Domini, qua Euangelion illud consolationis & spei Christianæ plenum, de abitu ex hoc mundo, filij IESV CHRISTI Seruatoris nostri ad cælestem Patrem pijs proponitur) placidissimè Redemptori suo animam reddidit. Dicite quæso, A. C. quis est alius magis Christianus

ex hac vita excessus? Quæ est alia, ad vitæ illâ sempiternam, magis pia præparatio? Quæ deniq; alia dignior imitatu omnibus verè Christianis post obitum Christiani hominis cõmemoratio? Facessant hinc igitur, impiorum machinationes: conticescant simulatorum susurri: reprimantur improborum calumniosæ voces: retundantur iugulatorum sceleratæ manus, quibus cùm illius pios manes concerpere nequeunt, impura & virulenta sua lingua, illum in Orthodoxa religione inconstantia, à maioribus suis profugij, in extremo vitæ suæ cursu impijssimè falso traducunt. Cùm pluribus viris præstantissimis, exitum suum, ex istâ lachrymarum valle verè Christianum, verè Catholicum præsentibus, coram diuino illo numine illi certissimis testibus, quinimò nobis omnibus reliquis, probatissimum reliquerit. Præstat itaq; eiusmodi homines contemnere, cùm sua impietate immortalitatem sui nominis sibi aucupentur. Vix enim digni sunt de quibus verba fiant. At inter probos, & de re Christiana, & publica benè sentientes, quot reperi sunt (vt interim domesticorum intumorum, & cognatorum squalorem, & luctum præteream) quorum alij, vt patrem indulgentissimum hæcenus luxerunt, necdum tamen eluxerunt,

runt: alij germani fratris loco, acerbissimè deficiuerunt: plures alij, qui audito eius inopinato occasu, subito veste mutata, dolorem suum intimum contestati sunt: alij, si fieri posset, vitam suam, pro eius recuperatione, profundere non dubitârunt. Siue enim intueantur supremum illum, summi Iudicij principum virorum confessum: siue comitiorum Regni frequentiam inspiciant: siue Cancellariæ inexhaustas occupationes inuisant: siue Appellationum intricatas causas reuoluant: omnes deniq; omnium iudiciorum, conuentuum, ordinum, congressus perlustrent: ubiq; vident tanti Herois præsentiam ab omnibus desyderari. Ergo Prorex noster mortuus est. Eoq; magis ipsius tam præmaturus, & insperatus obitus, pro eius in me beneuola propensione, atq; spei, & expectationis cumulatâ recordatione, me vel solum propiùs attingit. Bona pars enim vitæ meæ cum eo mortua est. Pluribus ne hæc repetam, dolor meus acerbissimus præpedit. At verò in hoc tam graui sauciata Reipub: vulnere, non nihil mihi animum erigit, vosq; item A. C. magnam spem futuri publici enolumenti, mente concipere decet: dum videmus hunc summum Regni Senatum, prorsus in florem & integritatem pri-

stinam, aliquot viris amplissimis, diuina prope-
modum Sereniss: Imp: nostri prudentia, & sum-
mis omnium Ordinum votis, & gratulationibus
in mortuorum locum delectis, esse instauratum.
Inter quos Heros ille summus, pacis non minùs
atq; belli artibus instructis: Romani illius verè
inuieti, & nobiliss: sanguinis, antiquissima
progenies, Indlyti Regni Bohemiæ lux, & vni-
cum ornamentum, vera & immarcescibilis rosa,
lucentissimi syderis instar, inter illustres viros ra-
dians, suæ clarissimæ familiæ spes, clientum sola-
tium, afflictorum subsidium, Ordinis sui Prin-
ceps, Illustriss: Gulielmus Vrsinus, Baro Rose-
bergensis, Bohemiæ Prorex, iure suo primum lo-
cum sibi vendicat, ad eò quidem, vt, à suæ clarissi-
mæ familiæ splendore, multò plus ornamenti, ad
eam dignitatem exornandam attulisse, quàm ab
ea accepisse videatur. Huic accedit, generis
vetustate, maiorum dignitate, honorum præstan-
tia celeberrimus, cum aliarum virtutum, tum
verò liberalitatis, & veræ magnificentæ studio-
sissimus, illius fælicissimi, & sempiterni, omnium
reliquorum, totius Christiani Orbis fæderum
præstantiss: Principum Catholicorum, Indlyti
Aurei Velleris Socius, Inuietiss: Romæ Imp:
fidus Achates, Aulæ Cæsareæ verum decus, glo-
riosiss:

riofiss: & ampliss: Baro, Vratislāus Pernestey-
nius, Bohemiæ Regni summus Cancellarius,
quem Diuina gratia, suis cœlestibus muneribus
omnibus vberimè exornauit. Ex hoc eodem
Ordine est, verè Illustris Baro, Ladislāus Senior
de Lobcouicio, qui non solùm natalium suorum
splendore, sed & eruditione admirabili, & lin-
guarum peregrinarum vsu ad Reipub: commo-
da paratus, cùm iam complures annos amplissi-
mo illi, Serenissimi Imp: nostri, Appellationum
in Augusta arce Pragensi Senatui, tanto doctissi-
morum, & nobilissimorum virorum numero,
vel potius omnigenæ virtutis, & honestæ actio-
nis gymnasio, summo cum honore & laude præ-
fuisset, qui sui Fratris præmortui, in suprema In-
clyti Regni huius Curia Præfectura, vicem gere-
ret, dignissimus est habitus. Inter eosdem
eminet, Valtsteyniæ gentis columen, excellentiss:
Baro Ioannes, cui tum ob singularem prudenti-
am, tum ob rerum domesticarum vsu, nun-
quàm satis laudatum, obq; alia multa eius præ-
stantis animi documenta,, Sereniss: Imp: no-
ster, Camerarij summi honorem vltro detulit.
Iungitur his generosiss: Bohuslāus Fælix Hasi-
steynius, Baro de Lobcouicio, qui ob sua egregia
in Inuictiss: Imp: nostros, quin etiam in vni-

verſum hoc Regnum præclara merita, ob im-
mortalem ſuam, quam ex Præfectura Luſatiæ,
conſecutus eſt laudem, Summi Iudicis, in ſummo
Regni Bohemiæ Senatu dignitatem, qui tuere-
tur, communi omnium Ordinum conſenſu eſt
designatus. Dabitis mihi veniam, A. C.
ſi reliquos huius ampliſſimi Ordinis viros prin-
cipes, ob temporis breuitatem, commemorare
non poſſum. Mortuus eſtigitur Prorex noſter?
quinimò ex hoc teterrimo mortis carcere in æter-
nam libertatem, ex denſiſſimis tenebris in veram
lucem eſt tranſlatus: ne in hac rerum omnium
difficultate, temporum calamitate, religionum
diſcordijs, vitam infælicem nobiſcum ageret, ve-
rè viuit in Chriſto, in hoc ampliſſimo Ordine,
atq; adeò nobiſcum. Nam præter alia plu-
rima, ſuæ mentis diuinæ præclara monimenta,
duas nobis potiſſimùm veriſſimas reliquit, duos
nimirum filios, ſui imagines, atq; te Chriſtopho-
re generoſiſſime hiſ verbis alloquitur. Ego te,
mi chariſſime fili, in hanc lucem genui. orbem
matre, exigua ſpe, à teneris vnguiculis (quemad-
modum fidelem decebat patrem) ad veram vir-
tutem introduxi, ad artes honeſtas, generoſo ani-
mo dignas, cohortatus ſum, ſtudiorum tuorum
tibi æquales adiunxi, monitores præſtitui, qui te
obſeruarent

obseruarent iniunxi. Cum ætas tua solidiora
posceret, ad mercaturam bonarum literarum, ad
illud laudatissimū gymnasium, & ciuitatem In-
gēlstadiensem munitissimam te emisi, ingraue-
centis meæ senectutis baculum mihi fore putauī.
Cum à me abesses, quot meæ curæ, quantæ de te
solicitudines, ne tibi quid aduersi accideret, ma-
ior etiam illa cura, ne, parū monitorum meo-
rum reminiscens, expectationem meam de te
eluderet? Necdū tibi satisfactum existimaui,
ad videndos peregrinos mōres, ad perlustran-
dam Germaniam, Burgundiam, Galliam, Bri-
tanniam, Italiam deniq; ipsam, hominum deli-
tias, & Orbis totius florem longè amænissimū
te expediui. Iam verò ne in toto Occidente,
quod ampliùs videre desyderes, quicquam habe-
res reliquū, ad Hispanicam profectiōem, ad
nostros Sereniss: Principes visendos, necessaria
tibi comparauī. Ad maternam linguam Græ-
cā, Latinā, Germanicā, Italicā, Gal-
licā & Hispanicā, quòd adiunxeris, author
tibi extiti. In his omnibus num tibi vel ne-
cessarij sumptus defuēre? vel mea duritas tuis
commodis obstitit? vel mea seueritas tuam lau-
dem vnquā remorata est? vel vllanē in re
tandē alia, sensisti meam in te benignitatem
claudier?

claudier? Postquam verò iam finem vitæ mihi
natura facit, per hanc ego te dexteram, per tuam
fidem, per meam solitudinem, atq; genium tuum
oro, atq; obtestor: Deum Opt: Max: vt toto
corde, & anima tua, ante omnia diligas. Reli-
gionem puram, veram, Orthodoxam, antiquam
illam, in qua nati, atq; educati sumus, quam nos
à parentibus, parentes nostri à suis maioribus,
maiores ab Apostolis, Apostoli ab ipso Christo,
perpetuo, inuiolabili, & indissolubili successu, pu-
ram receperunt, miraculis propagârunt, atq; ad
hæc nostra vsq; tempora, integram, incorrup-
tamq; conseruauerunt, quam ego iam extremo
meo spiritu probaui, vt retineas. Innouatio-
nes omnes, fili mi, tibi sint suspectæ. Et quem-
admodum Deus verus, Deus vnus, & immu-
tabilis est: sic etiam ipsius religio vna, religio ve-
ra, Orthodoxa illa inmutabilis est. Ad hanc, ad
Lydiū lapidem quasi, omnes peregrinæ religio-
nes probantur. Ad illum angularem lapidem,
quicumq; temerè impeerit allidetur, quem im-
prudenter oppresserit, conteretur. Dij genti-
um, fili mi, Dij multi, Dij falsi, Dij mutabiles:
Sic etiam eorum religiones multæ, religiones fal-
sæ, religiones mutabiles. Deindè etiam na-
tura nobis propinquos, amore, & tuo obsequio
recreare.

reuerere, beneficijs nostris comparatos, constan-
tes in te beneuolentia tua conserua. Cum pri-
mis verò fratrem tuum Gulielmum, charum tuæq;
fidei commendatum habeas, neue mális alienum
quempiam tibi adiungere, quàm sanguinis natu-
rali vinculo tibi coniunctum, retinere. Et quò
magis fratrem tuum ætate antecellis, eò magis
æquitatem erga illum exerce. Qui etenim vel
diuitijs opulentior, vel ætate maturior est, eti-
amsi nihil mali cogitet, eam tamen ipsam ob rem,
quia incommodare potest, semper suspitione la-
borat. Deniq; subditos etiam nostros, atq;
clientes, quorum opera, & fides, & mihi quon-
dam grata, atq; utilis extitit, & tibi tandèm ne-
cessaria futura est, ames, tueare, atq; conserues:
ita, quod ego præstiti sedulò, non solùm de suis
fortunis, vt ne quid deperdant, sed etiam opibus,
& honore auctiores fieri possint. Quos enim
beneficentia, & æquitate tua tibi deuinxeris, per-
petuò in te officiosos, & constantes experière.
Metus etenim quàm sit firmus diuturnitatis cu-
stos, aliorum nos exempla docuère. Hic est, mi
fili, verus ad comparandam gratiam aditus, hic
apertus ad ineundas amicitias campus, hæc certa
ad demerenda necessariorum studia meta, hæc
postremò vnica, & sola, ad veram & sempiternam

G inmor-

immortalitatem via. Hac, mihi crede, omnes
præstantissimi viri inclaruerunt, sine hac nemo
quicquam dignum honore, dignum gloria, dig-
num deinceps suo nomine, nec gessit, nec est con-
secutus vnquam. Habes ætatem florentem;
campum in quo tua virtus excurrat, latissimum,
æmulos veræ laudis plurimos, quos opperiri,
• ignavi militis, studio verò, cura, celeritate tua
anteuertere, gloriosissimi victoris existimabitur.
Ea sunt, Christophore generosissime, Patris tui
Herois immortalis postrema verba, ea vnica vo-
luntas, illa verè cygnea cantio, cui respondere vt
pium, & Christianum est, ita tandèmi tibi fore
honorificum, & gloriosum res ipsa comproba-
bit. Nec subest hîc vlla, quæ nos de tua illustri
animi magnitudine dubitare cogat, suspicio. Ita
enim natus es, ita à teneris institutus, eam deniq;
spem toti Reipub: de te iam pridèmi, adeoq; no-
bis omnibus cumulatisimè dedisti, vt à paternis
vestigijs, à virtutis studio, à bonorum de te ex-
pectatione, ne latum vnguem recessurus vn-
quàm videre. At vos, A. C. dolorem ob
tanti Herois obitum, iam tandèmi vestris men-
tibus eximite: memoriam eius, de vniuersa patria
nostra meritorum, grata recordatione recolite:
virtutem imitamini: labores non subterfugite:
de illius

de illius vita beata, quam ille tot suis sanctis curis,
præclaris cogitationibus, salubribus consilijs, iam
dudum immortalē sibi comparavit, nihil du-
bitate: sic vestrum in Proregem vestrum amo-
rem, abundè probabit: & aliorum stu-
dia plurimorum, ad benè gerendam
Rempub: accendētis.

D.



G ij

ELEGIA.

IN OBITV IL- LUSTRISS. BOHEMIÆ PROREGIS, IOANNIS IV- NIORIS POPELII, BARONIS DE LOBCOVICIO, AVTHORE IOANNE SCLII THO CAMP: I. C.

ERgoné vera fuit cornix prænuntia fati,
Popelio Prorex, fama maligna, tui?
Ergoné lane iaces crudeli morte peremptus,
Qui modò præsidium, spesq; salutis eras?
Qui populos modò, qui terras felice regebas
Imperio, fatiis funus inermis cadis?
Qui modò Mercurium grata superare solebas
Voce, perit linguæ gratia tota tuæ?
Urbes qui plures, multas possederis arces,
Exiguatæctus, iam requiescis, humo?
Quem multi Reges, multi novère tetrarchæ,
Obscurus Pario conderis in tumulto?
Sydereo cuius volitabat in æthere virtus,
Defuncti exuvias tristia busta tegunt?
O nimium rigida, crudelia numina, Parce,
In nanes nimium, terq; quaterq;, Dea.

Tantane

Tantane vos generis tenuit fiducia vestri,
Humanum vestro perdere iure genus?
Num vos religio, num gloria prisca parentum,
Intactæ num vos Pallados arma mouent?
Num virtus, pietas, magnorum gloria Regum,
Effugiant vestros, stemmata clara, rogos?
Cur non Gnathones, Epicuri de grege porcos,
Cur comedones non spicula vestra necant?
Qui tantum Veneris, cæciq; Cupidinis astus
Flagrant, illicitas nocte, dieq; faces.
Ingenium vitio tradunt qui, corpora somno,
Assueti molles querere delicias.
At verò tristi completis cuncta ruina,
Parcendo reprobis, falce metendo bonos.
Quis non optauit Proregi longa Bohemò
Tempora, Cumææ secula tarda senis?
Quis non ingemuit casum miseratus acerbum,
Dum vidit eolumen iustitiæ perimi?
Hunc pueri & nuptiæ, innuptæ gemuere puellæ,
Herois flebant tristia fata senes.
Ipse etiam gelidis madidus plorabat in vndis;
Mulda Pater tanti, fata inopina, viri:
Dumq; suum rauca modulatur arundine carmen,
Emisit tales tristis ab ore sonos:
Omnes cùm longo iuuat indulgere dolori,
Sint quoq; tristitiæ, hæc carmina signa, mee.

Extollens notum sydera ad alta caput,
Ampla, referta viris, opibus, studijsq; Minerva,
Turrigeras inter lucida tota domos,
Altera pars nostras declivis spectat ad undas,
Ad medium veteri diruta mole diem,
Altera stridentes Boreæ consurgit in auras,
Cæsarea tollens arce superba caput,
Praga suum retinet veteri de limine nomen,
Septuplici gaudet voce beata frui,
Plurima quam circum Cadmæi munera lacchi
Vineta in medijs collibus alta virent,
Quæ sua promerito referunt condigna colono
Præmia, dum botro versicolore madent.
Sunt ibi Pieridum rutilantia templa Dearum,
Lesboam tangit Phæbus Apollo chelyn.
Est ibi Boiemi sacrata scientia iuris,
Ordo sacer Procerum, iustitiæq; locus.
Est ibi Cæsareo Prorex venerandus honore,
Ex alto reddens iura Bohema throno.
Huc celeres properant causarum, hominumq; patroni,
Huc Regni triplex Ordo vocatus adit.
Hic Lobconicia Ianus de stirpe sedebat,
Cæsareo Prorex iura ferens solio,
Hunc quoties Cæsar, procures, mirata loquentem
Turba est, attonitum vulgus ab ore stetit,
Dum

*Dum Patriæ leges, libertatesq; tonabat,
Stentoreos superans, pectore, voce, sonos,
Dum vitij pœnas, dignos virtutis honores
Attribuit, merito quemq; vocante suo,
Ad cuius vocem obscuri tremuere recessus,
Altius interni personuere lares.
Ab quoties dixi, lano Prorege, Pelasgi
Concedent nobis, Ausonijq; duces,
Illi etenim plures, varias coluere per artes
Pectora, quas diuæ Pallados antra fouent,
Hic alios solus virtute excelluit omnes,
Vincit aues cantu ceu moribundus olor.
Aut abies humiles quantum superare miricas
Dicitur, Arctoas Indus auarus opes.
Virtute ergo sua tales sortitus honores,
Iam solo gaudet; perfruiturq; Deo.
Et quia Thespiadum fuerat præclarus alumnus,
Delius huic fauit, Pegasidesq; deæ.
Fama refert, olim cunis plorante nitenti
Lumine adhuc puero, permicuisse caput:
At pia sollicito, nutrix perculsa, timore,
Infanti clamat, ferte salutis opem.
Accurrunt famule: miscentur cuncta Sabæo
Thure, noua fumat lectulus Ambrosia.
Conclamant: DEV S, ecce DEV S, penetralia visit
Infantis, magni signa sacra Dei.*

Vnamines!

Vnanimis subito tollunt ad sidera palmas,
Diuinam puero quæq; precantur opem.
Nec mora certatim diui, diuæq; sacratas
Incipiunt puero promere diuitias.
Ingenium huic Pallas dederat, connubia Iuno
Fauſta, Cypris letum prole beante thorum.
Eloquij infudit donum Cyllenias proles,
Et veras docuit quærere mentis opes.
Hinc verè ſtudio laudis, pietatis amore
Flagrabat, vera religione Dei.
Maluit antiquos ſincero pectore ritus
Amplecti, primi quos coluere patres,
Quàm noua ſucato myſteria ficta colore,
Quæ plus erroris quàm pietatis habent.
Hinc eſt quoddam toties pro religione ſacrata,
Inſidias plures plura pericula tulit.
Nauiſſa per ſcopulos, ſyrtes, cœcaſq; Charybides,
Vix tantum poterat ſuſtinuiſſe mali:
Hic quantas tulerat ſorte aduerſante procellas,
Confringens firma, turpia monſtra, fide:
Haud tamen à vera poterat pietate reuelli,
Non precibus, precio, non comitante dolo.
Ærias ſicut ramos quæ pandit in auras,
Firmatur quercus viribus aucta ſuis:
Non illam Boreæ, Notiæ ſuis vibratibus ima
Sede queunt, ſolitæ vel remouere locis:

At magis

At magus illa suo contendit robore, quantum

Illius in vires turba inimica ruunt:

Sic pius hic Heros, immota mente tenebat

Omnia, quæ fidei pagina sacra docet:

Non illum fraudes, non somnia vana, nec vlla

Ambitio rectum linquere adegit iter:

Magnarum nec opum studium, nec uana cupido

Illius poterat sollicitare fidem:

Cuncta suis pedibus subiecit monstra, prophanis

Præposuit Christum quærere diuitijs.

Omnia florebant, ipso florente, nec vnquam

Ipse lupus pauidas dilaniabat oues.

Ass hoc de media sublato luce Baronum,

Mutauit latas, terra Bohema, vices.

Frigore cuncta rigent, atro completa colore

Atria, signa, faces, compita, templa, domus.

Pullati Proceres, nati, natâq; decoræ,

Pullata coniunx funera veste gemit.

Pullati cines, pullati terga coloni,

Ad domini plorant tristia busta sui.

Pullatæ lugent Musæ, pullatus Apollo,

Dulcisonæ rupit fila canora chelys.

Astra, Deos, & fata vocant crudelia nymphae,

Castalio reboant, murmura mæsta, lacu.

Omnia nunc lugent, lano Prorege perempto,

Omnia lugubri nocte sepulta iacent.

H

Ipse ego

Ipse ego qui quondam socii Muldeide nympha,
Aonio cecini carmina digna choro:
Orsus ab Vrsinis modulabar arundine campis,
Ausonium merita laude vehendo ducem:
(Ille quod Vrsina quondam de coniuge letus,
Quem gemo, connubij dona sacrata tulit.)
Nunc hos vix querulo produco pectore luctus,
In verbis haeret balbula lingua metu:
Rauca mihi gelidas reddunt praecordia voces,
Pectora singultu concutiente graui:
Barba riget, crines horrent, algensq; per ossa
Anxia continuò circuit ima pavor:
Lumina spontè madent lachrymis, praeterflua ripas
Testatur fletus, vnda perauclta, meos:
Carmine pro leto, tristes profundo querelas,
Pro serto sedat cana senecta comas:
Dumq; suos Titan cursus, dum nostra tenebit
Vnda, per Aemonias nauta pererrat aquas,
Tristia luctifico depromam carmina plectro,
Proregis flebo fata maligna mei.
Haec ubi fatus erat, riguis caput abdidit vndis,
Amplius haud visus, nympha nec ulla, mihi.

TVMVLVS.

Ades viator hanc perambulans viam,
Sub hoc cubet quis, siste, disce, marmore.

Pius,

Pius, modestus, castus, æquus, intusus
Cultor Dei ille, qui Bohema tempore
Vetusta Regna rexerat longissimo,
Summi tenendo dia scepra Caesaris,
Domus columna, honosq; Lobconicia,
Sua celebris atq; fama patriæ,
Domi, forisq; laude clarus, inclytis
Bonis, perenne nomen inde possidet.
Sapè hic locutus obstupente Ligio,
Vitamq;, opesq;, cbara sapè pignora
Throno sedendo pro tremente reddidit.
At ecce mortis ense casus inuido,
Iacet futurus causa fletus plurimis.
Bohema Regna quem extulère Caesaris
Loco, huic segat trux Libitina flamina.
Opes beare quem haud quiuère perpetim,
Æterna dona iam beatus obtinens,
Prorex gemente turba lanus occubat.

EPITHAPHIUM.

Cur Astræa gemit flauos sædata capillos,
Religio, pietas, spesq;, salusq;, fides?
Hic quia virtutum, tumulo requiescit in isto,
Cunctarum cumulus, quas pius æther habet.

ALIUD.

*Pegasides, Charites, Heliconiadesq; sorores,
Nereides, Dryades, Thespiadesq; Deæ,
Plebe pium tristi querula modulamine vocis
Patrem, cuius in hoc membra iacent tumulo.*

ALIUD.

*Huc adferterosas, hinc lilla spargite Nymphæ,
Hoc viridi bustum cingite fronde Deæ.
Hic violæ spirent, gratos narcysus odores
Reddat, ubi Prorex ceu rosa verna cadit.*

ALIUD.

*Populus in sylvis veluti dum surgit opacis,
Exiles umbris deprimit illa rubos:
Popelio Ianus, præclari stemmatis Heros,
Sic inter primos claruit ille viros:
Si vel opes spectes, vel sacra dona Mineræ,
Aut Atlantiadæ munera diue tua.
Ast nunc ecce iacet lethali falce peremptus,
Concidit heu patrij firma columna laris.
Cui Diui, ac Diuæ, Pyliam favere senectam,
Huic vitæ secuit flamina Parca soror.*

Aliud.

ALIU D.

*Quæ cernis Pario de marmore busta viator;
Ad ripas virides, Boruodis vnda, tuas,
Hic sua deposuit Boiema gloria gentis,
Prorex Popelio sanguine membra satas.*

ALIU D.

*Dic mihi cur tenui requiescit corpus in urna,
Iani Proregis, qui decus orbis erat?
Is quia delitias mundi, carnisq; perosus,
Æternas voluit querere diuitias.
Ergo viri exuias hæc tristia busta recondunt;
Spiritus ætherea gaudet in arce Deo.*

ALIU D.

*Cedite pictores, sculptores, cedite vates,
Popelij hæc Iani membra sepulta iacent;
Vestra alios ornent præconia, nomina quorum
Semper in obscuro delituere situ:
Non eget hic vestro defunctus symmate, fama
Vini repleuit solis vtrumq; polum.*

PROCES AD
PROREGEM.

Quò properas patriæ lux & clarissima nostræ?
Deseris heu mæstos, pignora chara, pater?
Quos tecum longos iuuit consumere soles,
Abstulit hæc nobis commoda nigra dies,
Nigra dies atro meritò signanda lapillo,
Gaudia quæ nobis non reditura rapis.
Ergo iaces, alios qui confortare solebas?
Vitæ spes nostræ concidit ante diem?
Te moderante ratis turgentia carbasa nostræ,
In tutis nauit nostra carina vadis:
Ast nunc te abrepto, mæsti ductore carentes,
Flebimus infauistas, nocte dieq; vices.

PROREX AD PRO-
CERES.

Sistite iam fletus, gemitus, acresq; dolores,
Post obitum vitæ iam meliore fruor.
Mors via perpetuæ facta est mihi certa salutis,
Hanc mihi non Erebus, non mala Parca rapit.
Vos eadem illa manet, mortalis vincula vitæ
Dum referent vobis sydera celsa poli.